



A latin-görög uniós egyezség előkészítése (1270. március 4.)

A bíborosi testület tájékoztatja és utasításokkal látja el az albanói püspök-bíborost a görög csásszárral és egyházzal kapcsolatos tárgyalások ügyében, 1270. március 4.

Miseratione divina episcopi, presbiteri et diaconi Sacrosancte Romane ecclesie cardinales venerabili fratri ... episcopo Albanensi¹ apostolice sedis legato salutem in domino. Hoc est transcriptum quarumdam litterarum felicis recordationis domini Clementi pape quarti. Clemens episcopus servus servorum dei viro magnifico Michaeli Palaelogo illustri im/peratori Grecorum gratiam per quam gloriam obtineat in futuro. Magnitudinis tue litteras² ac viros providos et discretos latores earum apocrisiarios tui culminis ad nostram venientes presentiam, serena facie sed et animo leto recepimus et eis super omnibus que proponere voluerunt, coram nobis et fratribus nostris audience benigna concessa, fideles adhibuimus / interpretes, qui nostram eis et suum nobis in omnibus et per omnia panderent intellectum. Ipsum quoque litterarum tuarum initium, quod e psalmis assumpseras spiritualis et nobilis citharedi, cordis tuis gaudium manifestans, ex eo iusta ratione conceptum, quod in domum domini te sperabas initurum, illuc etiam tribus domini, Latinorum videlicet et Grecorum, pariter ascensuras, acceptum / nobis plurimum cum gaudio accepimus exultationis ingentis. Hoc est enim quod et nos totis visceribus concupiscimus, quod et in ipsis missarum sollemnisi a domino petimus incessanter, ut suam videlicet ecclesiam toto urbe terrarum adunare digneretur. Hoc est quod videre summopere cupimus, ut ipsis ruinas implete, scissuras reparet, muros edificet et sanctorum custodia muniat / angelorum. Non sunt enim nobis incognita damna populi christiani, que iam dudum Latinorum et Grecorum dissensio peperit, annosa pariter et damnosa, dum divisos inter se populos et in sua se adversis mutuo debilitando conatibus conversos viscera frequentius et liberius furor hostilis invasit, qui eisdem glutino vere caritatis unitis obesse minime potuisset. Sane / olim ad felicis recordationis Urbanum papam predecessorem nostrum cum litteris plium desiderium explicando, inter cetera postulasti, ut ad tuam presentiam apocrisiarios suos mitteret seu legatos, pacis homines et pacificos Christi discipulos, non gaudentes in vanitate verborum neque bono pacis / mundanam sapientiam preponentes. Qui tuis votis annuens in hac parte, viros electos de fratrum minorum ordine, viros utique pauperes in hoc mundo, in fide divites, in lege domini plenus eruditos, fratres scilicet Simonem de Alvernia et Petrum de Moras, Petrum de Crista et Bonifacium de Iporeia, cum suis sub certa forma litteris ad te misit. Licet autem idem predecessor / noster celsitudinis tue litteras supradictas cum magno gaudio recepisset, et in ipsis contenta litteris singillatim inspecta pietatis perpenderet speciem obtainere, ad contentum tamen in eis ordinem sicut non debuit, sic nec voluit arctare. Tu quidem eorumdem Latinorum et Grecorum concordiam dissolutis inimiciis, in caritate mutua prius decreveras solidandam et tunc demum videbatur tibi com/modior de dogmatibus fidei et rituum diversitate tractatus et ad huiusmodi probatinome, ordinis ex Scripturis authenticas argumenta multa congregas ad probandum, quod bonorum sit omnium caritas fundamentum. Ipse vero tuis non obvians argumentis nec preconia caritatis attenuans quam sedes apostolica illibatam servat ad filios etiam inde votos, sed fidei primum et solidum fundamentum attendens, sine qua deo impossibile est placere, non iniuste de consonantia fidei tractatum censuit premittendum. Absit enim, ut Romanam ecclesiam, que nec rugam habens, nec maculam, illam tenet hodie quam semper hactenus tenuit fidei veritatem, filios etiam se avertentes ab ea odio prosequi fateamur, cum proculdubio eadem mater ecclesia iustis et peccatoribus, obedientibus et rebellibus exhibens pie caritatis affectum / ad salutem omnium quibus potest modis intendat, nec ideo minus diligere sit censenda, quod interdum, exigente iustitia, peccatorum confringit cornua, qui salutaribus monitis obtentare contemnunt. Sicut nec recto iudicio dici potest medicus odiosus,

¹ Radulfus (Rudolf) Grosparmi, Kiss 2015, III. Táblázat, 1.

² 1263. 07. 28.: VIII. Palailogosz Mihály válasza IV. Orbánnak, az utóbbi által küldött négy ferences megbízott tevékenységével kapcsolatban. TÄTU 1953. 14–26., 6. sz., 26–28., 7. sz.

³ Vö. TÄTU 1953. 33–43., 10., 10a. sz.



qui curandis vulneribus ferrum vel ignem adhibet, que lenioris antidotis medicamine non curantur. Stetit itaque cum fide caritas apud ipsam, sed / qui fidem contaminant necessario deserunt caritatem, ad quam nullus est eis redditus nisi prius quam non receperant vel receptam abiecerant fidei veritatem agnoscant, cum sit ille fons vivus, caritas cui nullus communicat alienus. Ut igitur rectus esset ad pacis optate colloquium et tractatum ingressus, missi sunt ad tuam magnitudinem dicti fratres de dogmatibus fidei et ecclesiastici, ritibus tractaturi ac insuper / de concordia super aliis inter predecessorum ipsum et te tuumque populum reformanda. In eisdem predecessoris litteris hoc expresso, quod si ex huiusmodi tractatu tibi et ipsis fratribus videretur, quod tam pium, tamque salubre negotium progressum laudabilem et egressum deberet habere felicem, per te ordinari posset et eos, quod pro eiusdem consummatione negotii sollemnes nuntii cum auctoritate et potesta plenaria / et sufficienti mandato ad sedem apostolicam ex parte tuae celsitudinis mitterentur vel alia inveniretur via conveniens per quam promptius ad negotii consummationem ipsius deo procederetur auctore. Ceterum fratres ipsi aliquamdiu in tua curia commorati, cum non possent ad plenum assequi quod volebant, volentes tandem obtainere quod poterant, in quandam tecum, ut dicitur, convenere scripturam / certos articulos continentem. Magnitudini tuae bona fide spondentes se apud dictam sedem instituros quantum esset in eis, ut scriptum huiusmodi sedes eadem acceptaret. Nuper autem tuis apocrisiariis supradictis ad nostram presentiam accendentibus et a nobis prius secretis, ut eis placuit, ac in fratrumerum nostrorum presentia subsequenter auditis, super fidei vere dogmatibus cum eis conferre voluimus non con/tentiose disputationis certamine, sed verbis simplicibus et evangelice consonis veritati. Quod recusantibus ipsis admittere, tractatores eis obtulimus, de dictorum fratrumerum nostrorum collegio, qui colloqio familiari discuterent cum eisdem, quibus modis quibusve gradibus tam salubre posset negotium consumari. Sed ipsi nec istud recipere voluerunt, proponentes finaliter, quod nec ad disputandum nec ad tractandum / venerant, sed per nos roborari petebant que a fratribus predictis, Simone scilicet et collegis ipsius in tua, ut dicebant, presentia fuerant acceptata, que cuiusdam scripture series, quam in nostra protulerunt presentia, continebat. De qua tam pro te tuisque subditis roboranda, etiam si nos acceptare vellemus eandem, nullam se recepisse penitus potestatem coram nobis et eisdem nostris fratribus iidem tui / apocrisiarii sunt confessi. Quibus auditis mirati sumus tanti apocrisiarios principi, qui si ea que in eiusdem predecessoris litteris expressa supra meminimus, adeo processissent quod iuxta eorum seriem extimares non inmerito nuntios destinandos, mitti a te debuerant, ut premittitur, cum auctoritate et potestate plenaria et sufficienti mandato, sic instare super eiusdem corroboratione scri/pture, cum tamen ad hoc petendum nec in scriptis, nec alias mandatum aliquod exhiberent, immo nec predicte tuae celsitudinis littere nobis presentatae per ipsis de petitione huiusmodi vel prefata scriptura seu etiam de predictis sedis eiusdem apocrisiariis aliquam fecerent mentionem aut quod ipsis tuis apocrisiariis fides a nobis deberet super hiis que pro parte tua proponerent / adhiberi. Sed ne ipsis contumere videremus, benigne ipsis ostendimus, quod prefata scriptura nobis per ipsis exhibita non potuit a sepedictis fratribus dicte sedis apocrisiariis eiusdem sedis nomine approbari, cum ad id ab ea non habuerint potestatem. Tractatores siquidem missi fuerant, non negotii perfectores sicque per consequens eorum incumbebat officio tractatus sui summam ipsi sedi referre illiusque / approbationem eiusdem sedis iudicio reservare. Quod et ipsimet cosultius attendentes circa finem prefata scripture fatentur ex iniuncti ministerii debito dicte sedi sed inventa renuntiare debere nec approbatoris sibi usurpaverint officium, sed instantie sue ministerium promiserunt, spondentes, ut prediximus, se instituros apud dictam sedem quantum in eis erat, ut scripturam approbaret eandem. / Videat itaque tuae sublimitas, quam pure, quam liquide dicti fratres apocrisiarii sedis eiusdem sue potestatis et ministerii reserarunt seriem et fines seu terminos expresserunt quam clare, quam aperte sue intentionis aperurere propositum. Quam enim clarius dici vel scribi potuit, ut nondum actum quis diceret quod adhuc omnino ex alterius approbatione pendebat. Fratres igitur memorati, apocrisiarii dicte / sedis nec roboraverunt, nec intenderunt, sicut etiam nec poterunt, predictam sine sedis eiusdem conscientia roborare scripturam. Nos quoque petitionem a prefatis tuis apocrisiariis super ipsius scripture roboratione propositam, eiusdem scripture inspecto tenorem, cum nonnulla que continentur in ea nec accommoda nec utilia, immo dispendiosa et damnosa potius tanto et tali negotio reputemus, de predictorum /



fratrum nostrorum consilio, eiusdem negotii qualitate pensata, non duximus admittendam, presertim cum ipsi tui apocrisarii ad roborandam eandem pro te tuisque imperii clero vel populo nullum, ut premisimus, mandatum vel potestatem haberent, nec tu de petitione premissa tuis aliquid litteris duxeris inserendum, imm ad eadem scriptura, utpote de cuius corroboratione iam elapso fere triennio non cu/rasti nec per nostros apocrisiarios post superius nominatos novissime ad te missos, qui apud te moram diutius contraxerunt, nobis misisti aliquid verbo vel scripto, recessisse verisimiliter credi posses, quamquam et alias non fuisse a nobis eadem petitio admittenda. In hiis etenim que sunt fidei et veritatem recipiunt, sine qua salus esse non potest, explicite non sub involucro est agendum. Ideoque, ut in lucem / omnia veniant nec verborum ambagibus intentionis nostre puritas involvatur, tenore presentium duximus declarandum, quid tibi ac prelatis et ceteris sub tua ditione degentibus faciendum incumbat, ut ad sinum eiusdem sacrosancte Romane ecclesie, matris tue, sano fretus consilio redeas reverenter. Quod si faciendum, domino, decreveris inspirante, ipsa mater piissima filio redeunti, sinum largissime pietatis aperiens, in tuos leta / properabit amplexus. Ecce ergo quod corde 5 firmiter credimus et quod ore simpliciter confitemur, tibi plane proponimus et exponimus nec in velamentis enigmatum dogmata nostra tegimus, sed omnino verbis explicitis et apertis notam esse volumus universis professionem fidei quam tenemus. Quam a te, clero et populo predictis exigimus, ut eandem tu et ipsi profiteamini, si ad nostram, ut desideramus, volueris redire unitatem. / Ea insuper, que circa eiusdem ecclesie Romane primatum, de cuius veritate nonnulla 10 prefate scripture series continebat, a te ac ipsis clero et populo recipi et acceptari volumus, plenius et apertius explicantes. Et quidem:

Credimus sanctam trinitatem, patrem et filium et spiritum sanctum, unum deum omnipotentem totamque trinitatem deitatem cesentialem, consubstantialem, coeternam et coomnipotentem, unius voluntatis potestatis et maiestatis, creatorem omnium creaturam, a quo omnia et per quem omnia, et in quo omnia que sunt in celo et in terra, visibilia et invisibilia, corporalia et spiritualia. Credimus singulam quamque in sacra trinitate personam unum verum deum, plenum et perfectum. Credimus ipsum filium dei, verbum dei eternaliter natum de patre consubstantialem, coomnipotentem et equalem / per omnia Patri in divinitate, temporaliter natum de spirito sancto ex Maria semper virgine, cum anima rationali, duas habentes nativitates, unam ex patre eternam, alteram ex matre temporalem, deum verum et hominem verum, proprium in utraque natura atque perfectum, non adoptivum neque phantasticum, sed unum et unicum filium dei in duabus et ex duabus, divina scilicet et humana naturis, sed in unius persone singularitate impassibilem et immortalem divinitatem, sed in humane pro nobis et pro salute nostra passum vera carnis 15 passione, mortuum et sepultum, et descendisse ad inferos ac tertia die resurrexisse a mortuis vera carnis resurrectione, die quadragesimo post resurrectionem cum carne in quo resurrexit et anima ascendisse in celum et sedera ad dexteram / Patris inde venturum iudicare vivos et mortuos et redditurum unicuique secundum opera sua, sive bona fuerint, sive mala. Credimus etiam spiritum sanctum et perfectum verumque deum ex patre et filio procedentem, coequalem et coessentialm et coomnipotentem et coeternum per omnia et filio. Credimus hanc sanctam trinitatem non tres deos, sed unum deum omnipotentem, eternum, invisibilem / et incommutabilem. Credimus sanctam catholicam et apostolicam unam esse veram ecclesiam, in qua unum datur baptisma et vera omnium remissio peccatorum. Credimus etiam verum resurrectionem eiusdem carnis quam nunc gestamus et vitam eternam. 20

Credimus etiam novi et veteres testamenti, legis ac prophetarum unum esse auctorem deum ac dominum omnipotentem. Hec est vera fides catholica / et hanc super dictis articulis tenet et predicit sacrosancta Romana ecclesia. Sed et propter diversos errores, a quibusdam exignorantia et ab aliis ex malitia introductos, dicit et predicit eos, qui post baptismum in peccata labuntur, non rebaptizandos, sed per veram penitentiam suorum posse consequi veniam peccatorum. Quod si vere penitentes in caritate decesserint, antequam dignis penitentie fructibus de commissis / satisfecerint et omissis, eorum animas penis purgatoriis post mortem purgari, et ad penas huiusmodi relevandas prodesse eis fidelium vivorum suffragia, missarum scilicet sacrificia, orationes et elemosynas et alia pietatis officia que fidelibus pro aliis fidelibus fieri consueverunt secundum ecclesie instituta. Illorum igitur 25

30

35

40

45

50



5 *animas, qui post sacrum baptisma susceptum nullam omnino peccati / maculam incurrerunt,
illas etiam, que post peccati contractam maculam vel in suis manentes corporibus vel
eiusdem exute, prout superius dictum est, sunt purgate, in celum mox recipi. Illorum autem
animas, qui in mortali peccato vel cum solo originali decedunt, mox in infernum descendere,
penis tamen disparibus puniendas, eadem sancte Romadne ecclesia credit et firmiter
asseverat /, et quod nihilominus in die iudicii omnes homines ante tribunal Christi cum suis
corporibus comparuebunt, reddituri de factis propriis rationem. Tenet etiam et docet eadem
Romana ecclesia septem esse ecclesiastica sacramentum. Unum scilicet baptisma de quo dictum
est supra, aliud est sacramentum confirmationis, quod per manus impositionem episcopi
conferunt chrismando renatos. Aliud est penitentia, aliud est eucaristia, aliud est
sacramentum ordinis, aliud est matrimonium, aliud est extrema unctione, que secundum
doctrinam b. Iacobi infirmantibus exhibetur. Sacramentum eucharistie ex azymo conficit
eadem Romana ecclesia tenens et docens, quod in ipso sacramento panis vere
transubstantiatur in corpori et vinum in sanguinem domini nostri Jesu Christi. De
matrimonio tenet /, quod nec unus vir simul plures uxores, nec una mulier simul habere
permittitur plures viros. Soluta vero lege matrimonii per mortem alterutrius coniugum,
secundas, tertias et deinceps nuptias successive licitas esse, si impedimentum canonicum ex
causa alia non obsistat. Ipsa quoque sacrosanta Romana ecclesia summum et plenum
primatum et principatum super universam cathollicam ecclesiam obtinens quem se ab ipso
domino in beato Petro Apostolorum principe sue vertice, cuius Romane pontifex est
successor, cum potestate plenitudine recepisse veraciter et humiliter recognoscit, sicut pre
ceteris tenetur fidei veritatem defendere, sic et si que de fide suborte fuerint questiones, suo
debet iudicio definire. Ad quam potest gravatus quilibet et in negotiis ad forum /
ecclesiasticum pertinentibus appellare. Sed et in omnibus causis ad examen ecclesiasticum
spectantium ad ipsius potest recurri iudicium et eidem omnes ecclesie sunt subiecte
ipsarumque prelati et obedientiam et reverentiam sibi debent, apud quam sic potestatis
plenitudo consistit, quod ecclesias ceteras ad sollicitudinis partem admittit, quarum multas
et patriarchales precipue, diviersis privilegiis eadem Romana ecclesia / honoravit, sua tamen
prerogativa tam in generalibus conciliis, quam in quibuscumque aliis semper salva.⁴*

10 Porro preceptam purissimam, certissimam et solidissimam orthodoxe fidei veritatem,
evangelice doctrine consonam, a sanctis patribus traditam et Romanorum pontifum in suis
synodis definitione firmatam, sicut nec decet sic nec volumus nove discussioni et definitioni
subiacere, ipsam quasi per hoc quomodolibet / contra fas et licitum in dubium revocando.
Ideoque licet in prefata scriptura de convocatione concilii ageretur, licet tu per tuas prefatas
20 litteras concilium in terra tua convocari petieris, nos tamen nullo modo proponimus concilium
ad discussionem seu definitionem huiusmodi convocare, non quod cuiusquam faciem vereamur
vel eandem sanctam Romanam ecclesiam Grecorum prudentia timeamus, sed quia /
prorsus indecens foret, immo nec licet, nec expedit in dubium revocari premissam vere fidei
30 puritatem, tot sacre pagine auctoritatibus, tot sanctorum roboratam sententiis, tot Romanorum
pontificum stabili definitione firmatam, pro cuius defensione, si necesse foret, parati essemus
40 subire martyrium et morti etiam exponere corpus nostrum. Quam ideo ad presens nequaquam
auctoritatibus, quarum tamen / satis nobis copia pro voto suppeteret, munire curavimus, sed in
simplicitate veridica sic pure, sec explicite tam predictis tuis adhibendum nuntiis, quam tibi
45 decrevimus destinandum, quia vel notam prolixatis nimia diffusus episcole textus incurreret, si
auctoritatum multitudinem, quibus eadem roboratur veritas, contineret, vel si, notam vitare
volens huiusmodi tam prolixam, tot articulorum mate/riam brevi sermone perstringeret, de
defectu, forsitan, qui procul dubio nimis foret in tanto notabilis et pericolosus negotio, notaretur.
Et qui provida deliberatione concepimus apocrisiarius aliquos in lege dei peritos ad tuam
presentiam destinare, cum quibus tu ac predicti clerus et populus super premissis conferre

⁴ IV. Kelemen oklevele: ASV Reg. Vat 32. fol. 199r–201r, ASV Reg. Vat. 29A fol. 174r–177v; TÄUTU 1953. 61–69., 23. sz. Az
unió ügyében kelt még IV. Kelemen tovább három levele: 1) 1264. 03. 04. a konstantinápolyi pátriárkához (TÄUTU
1953. 69–70., 24. sz.), 2) 1267. 05. 17. a bizánci császárhoz (TÄUTU 1953. 71–72., 25. sz.), végül 3) 1267. 06. 09. a fe-
rences rend elöljárójához intézett levelében a szakadár görögökről, azaz a skízma megszüntetésének sikertelenségé-
ről ír.



poteris et, sicut speramus, ipsi vobis sufficienter, divina eis id donante clementia, responde/bunt, sed nichilominus, si quid tuum tuorumque animos concutit, si quid turbat, ut eorum aliquid que supra scripsimus, vereamini, ut petimus profiteri, aliquos de petitionibus, quos in predictis repereris clero vel populo, ad nostram mitte presentiam, nosque, qui iuxta eiusdem principis apostolorum sententiam parati sumus omni poscenti nos de ea, que in nobis est fide et spe reddere / rationem, illos quos miserit caritative tractabimus et patienter, quid proponere voluerint, audiemus tam plene, donate domino, satisfaciemus eisdem, quod amoto cuiuslibet dubitationibus scrupulo, fidei veritatem agnoscent et in agnita salubriter gloriantes, ad te cum gloria remeabunt. Ipsi quoque apocrisaris tuis, cum de premissa professione fidei eis, ut permittitur, copiam feci/mus, clementer obtulimus benigna ipsis satisfacere, si super ea in aliquo dubitarent. Ideoque excellentiam tuam monemus, rogamus et hortamur in domini Iesu Christo, per aspersionem sui pretiosi sanguinis obsecrantes, quatenus diligenter attendens, quantum tibi accresceret ad meritum, quantum accedit ad gloriam et exaltationem tui nominis ampliandam, si datum tibi desuper / fuerit, ut oves que perierunt tue diligentie studio ad caulam domini reducantur; si tuis fiat laboribus, ut unum sit ovile unusque pastor, Latinorum et Grecorum populis, tuis temporibus in unitate premissae orthodoxe fidei adunatis, sic studeas habilitare materiam, sic animos tuum tuorumque disponere, quod in predictorum apocrisiariorum nostrorumque disponere, quod in predictorum apocrisiarorum nostrorum adventu te ac premissis clero et populo / prescriptam humiliter suspicentibus et fideliter profitentibus fidei veritatem, facilis sit ad reliqua, domino faciente, processus. Quod si, postquam taliter supra propositam tu idemque cleris et populus veritatem fidei suscepitis et professi fueritis et ad obedientiam, ut premisimus, eiusdem veneritis Marie vestre, concilium per sedem ipsam ad locum qui ad hoc eidem sedi videatur idoneus /, convocari petieritis, ad caritatis vinculum inter Latinos et Grecos foedere perpetuo roborandum, legatos super hoc ad nos poteritis destinare, quibus faciente domino responsum dabitur, qui tuum desiderium satiari poterit et debebit. Ad premissae igitur tam salutifere unionis salutare commercium efficaciter sollicitudo tue sublimitatis intendat et ut animarum et corporum / discrimina, que ingerit inveterata dissensio, precidantur premissa, que paterna monitione requirimus, implere festinet, scitura, quod occasione tractatus huiusmodi nec hiis qui a tua magnificentia se gravatos esse queruntur, sicut nec debemus, in sua iustitia deesse proponimus nec a prosecutione tanti negotii per alias vias, quas ad animarum salutem dominus ministraverit /, desistemus. Datum Viterbii, IV nonas martii, annio tertio. Datum Viterbii, anno domini M° CC° LXX° apostolica sede vacante.

Orig.:

Paris, Archives Nationales de France, Fonds publiques de l'Ancien Régime, Marine, Affaires Étrangères, Trésor des chartes, Série J 420, nr. 5.

Comm.:

A bíborosi testület a fenti, napi dátumot nélkülező oklevél mellett 1270. május 15-én kiadott egy másik oklevelet, amelynek ugyancsak Rudolf albanói püspök-bíboros legátus volt a címzettje. Ebben megemlékezzek IX. Lajos francia király közvetítéséről, IV. Kelemen közeledési kísérletéről, és megemlíthik IV. Kelemen fenti oklevelét, amely a legátus mostani megbízásának az alapja. Az átíráusra hivatkozva meghagyják neki, hogy vegyen esküt a császártól, az ottani klérustól és néptől, a konstantinápolyi pátriárkától és valamennyi egyháztól egy ott összehívandó zsinat keretében. Ehhez mellékelték az eskü szövegét is, amelyet azután közjegyzői másolatokban mindenhol nyilvánosságra kellett hozni.⁵

Irodalom:

⁵ „[...] Quocirca debita meditatione pensantes tam salubre negotium, tam utiliter tamquam perpenso consilio et exacta maturitate dispositum, non immutatione sed prosecutione potius indigere, instantie memorati regis Francorum, in votiva nobis admodum expeditione ipsius negotii nostris desiderii concurrenti, consensu prompto concurrimus et premissa vobis ad plenioris instructionis auxilium seriosius exponentes, executionem predicti negotii fraternitati vestre presentium tenore committimus, ut in ipsa iuxta premissarum eiusdem domini pape Clementis litterarum tenore, quem vobis sub sigillis nostris de verbo ad verbum sine immutatione aliqua destinamus secundum datam vobis a deo prudentiam procedentes, imperatorem, clerum et populum memoratos ad eiusdem fidei orthodoxe professionem et acceptandum et recipiendum ipsius ecclesie Romane primatum, iuxta subscriptam formam, idoneis securitatibus et cautelis adhibitis, admittatis. [...]” ASV Reg. Vat. 29A fol. 177v-180r; TÄTU 1953. 78-84., nr. 29. Ugyanitt szerepel egy IX. Lajoshoz intézett levél részlete 1270. május 13-i dátummal. TÄTU 1953. 84-85., nr. 29a. A közlés azonban nagyon hiányos, vő.: ASV Reg. Vat. 29A fol. 180r-181r.



KISS 2015 = KISS, Gergely: *Dél-Magyarországtól – Itáliáig: Báncsa nembeli István (1205 k. – 1270) váci püspök, esztergomi érsek, az első magyarországi bíboros életpályája*. Pécs: Kronosz Kiadó, 2015.
TÄUTU 1953 = *Acta Urbani IV, Clementis IV, Gregorii X (1261–1276)*. Ed. TÄUTU, Aloysius L. [Città del Vaticano,] 1953. (Pontificia commissio ad redigendum codicem iuris canonici orientalis. Fontes series III volumen V tomus I)



